

Tukutuku Ako mō Pūtaiao

Ngā Whakaaro Whānui	Ngā Akoranga Tāpua Taumata 6-8 o Te Marautanga o Aotearoa		
	Taumata 6	Taumata 7	Taumata 8
He mana tō te mātauranga pūtaiao	- Ko te mātauranga pūtaiao hei tūāpapa mō ā tātou mahi. He mea i ahu mai i te mātauranga Māori. - Ko tā tēnei whakaaro whānui he whakamana i te mātauranga Māori, he aro hoki ki ngā kōrero tuku iho a te iwi Māori hei tūāpapa mō te mātauranga pūtaiao.		
	- Ka whakamārama te ākonga i ngā ariā Māori o te ao tūroa. - Ka torotoro te ākonga i ngā kōrero tuku iho ā-iwi, ā-hapū, ā-whānau, ka whakamārama ai i ngā mahi a ō tātou tūpuna i te ao tūroa.	Ka torotoro te ākonga ki ngā ariā o te mātauranga pūtaiao taketake kia whai māramatanga ai ia ki te ao tūroa.	Ka tātari te ākonga i ngā ariā o ngā pūnaha mātauranga pūtaiao kia kite ai ia i te mana o ia pūnaha.
He tikanga tō te mātauranga pūtaiao	- Mā te mōhio ki ngā mātauranga pūtaiao ka mārama te ākonga ki te ao tūroa. - Ko tā tēnei whakaaro whānui, he aro ki te mātauranga pūtaiao hei huarahi ako, hei huarahi titiro ki te ao tūroa hoki.		
	Ka torotoro te ākonga i ngā kōrero tuku iho kia whai māramatanga ai ia ki ngā tikanga o te ao tūroa.	Ka whakahāngai te ākonga i ngā tikanga pūtaiao taketake ki ngā tikanga mātauranga pūtaiao o te ao tūroa.	Ka tātari te ākonga i ngā pānga o ngā pūnaha mātauranga pūtaiao ki ngā whakaaro anamata o te ao tūroa.
He māramatanga anō mō te ao tūroa kei ngā atua Māori	- Ka mārama te ākonga ki te tiaki i te ao tūroa mā roto mai i ngā kōrero tuku iho mō ngā atua Māori. - Ko tā tēnei whakaaro whānui, he aro ki te whakapapa o ngā atua Māori me ōna hononga, ōna tuituinga katoa i te ao tūroa.		
	Ka mārama te ākonga ki ngā hirahiratanga o ngā atua Māori ki tāna anō tirohanga ki te ao.	Ka torotoro te ākonga i ngā anga mātauranga iwi taketake me ō rātou atua.	Ka tātari te ākonga i ngā uaratanga o ngā kōrero tuku iho hei ārahi i tōna mārama ki te ao tūroa.
Ka tupu te mātauranga pūtaiao o onamata, hei oranga mō inamata me anamata	- Mā te mātauranga Māori e ora ai a Papatūānuku. - Ko tā tēnei whakaaro whānui he titiro whakamuri e mārama ai te ahunga whakamua, otirā, i te mutunga kore o te mātauranga pūtaiao haere nei te wā.		
	Ka torotoro te ākonga i ētahi take mātauranga pūtaiao o onamata, o inamata i te ao tūroa.	Ka mārama te ākonga ki ngā anga mātauranga pūtaiao me ōna pānga ki ngā whakaaro anamata mō te ao tūroa.	Ka tātari te ākonga i ngā pūnaha mātauranga pūtaiao e kitea ai he urupare rautaki mō anamata ki tētahi kaupapa o te ao tūroa.